

AMUS PRIMLJEN U ČLANSTVO „CISAC“-a I DOBIO REGISTARSKI BROJ 273

Sekretarijat CISAC-a nas je obavijestio da je AMUS dobio registracioni broj Društva u Registru društava članica CISAC-a. RegistarSKI broj pod kojim se AMUS identifikuje je 273.

VAŽNO OBAVJEŠTENJE ČLANOVIMA!

Poštovani autori, članovi AMUS-a,

nakon uvida u dokumentaciju primjećen je veliki broj nepravilnosti i nedostatka u obrascima koji sadržavaju lične podatke autora koji su od iznimnog značaja za pravilnu isplatu autorskih tantijema, naročito u djelu koji se odnosi na žiro račune te adrese koje moraju biti u skladu sa CIPS-om!

Pozivamo vas da ispunite ovaj obrazac i dostavite ga AMUS-u najkasnije do 25.07.2013.godine!

Obrazac možete pronaći na našem web-siteu (www.amus.ba) u rubrici "OBRASCI ZA AUTORE", pod nazivom "DOPUNA PODATAKA ZA ISPLATU".

POTPISAN UGOVOR IZMEĐU AMUS-A I SARAJEVODISKA

Danas je u Sarajevu potpisan ugovor između najstarije muzičke izdavačke kuće u Bosni i Hercegovini Sarajevodiska i Asocijacije kompozitora – muzičkih stvaralaca BiH, AMUS-a.

Ovim ugovorom trebalo bi napokon da se počnu poštovati i ostvarivati autorska i izdavačka prava estradnih bh. djelatnika koja su tokom dugogodišnjeg zastupanja od strane agencije 'Sine Qua Non' bila krajnje loše regulisana.

Direktor Sarajevodiska **Nebojša Kovač** izražava zadovoljstvo potpisanim ugovorom te što je došlo do saradnje između AMUS-a i ove respektabilne bh. muzičke kuće.

- Nadam se da će nakon ovog ugovora konačno početi period poštovanja autorskih i izdavačkih prava u BiH. Sarajevodisk je, zbog svoje obimne arhive ali i novih projekata, zainteresovan da se štite autorska prava, kao i prava izdavača. U tom smislu Sarajevodisk će pružiti svu potrebnu podršku AMUS-u, u smislu dokumentovanja vlastite arhive i kompletne dokumentacije o autorskim pravima, tačnije ugovorima koje posjeduje, rekao je za DEPO Portal Nebojša Kovač.

Sarajevodisk kao najstariji i jedan od najvećih muzičkih izdavača u Bosni i Hercegovini u svom katalogu posjeduje preko hiljadu autora i više hiljada muzičkih djela.